

মতান্ব কবিতা

শীসাবিজীপুর চট্টগ্রাম্যায়

ডি, সি, ভট্টাচার্য কর্তৃক
বাতায়ন পাবলিশিং হাউস
৮৫, বৌবাজার স্ট্রিট, কলিকাতা
হইতে প্রকাশিত— —



এক টাকা আট আনা

ডি, সি, ভট্টাচার্য কর্তৃক
ই উ লি য ন প্রে স
৮৫, বৌবাজার, স্ট্রিট,
কলিকাতা হইতে মুদ্রিত

শ্রীযুক্ত অমৃল্যকুমার ভাটুড়ী
করকমলেষ



প্রথমেই ব'লে রাখা ভাল যে “মডার্ন কবিতা” কোনো হান, ঘটনা বা ব্যক্তি বিশেষকে লক্ষ্য ক'রে লেখা নয়, সমাজের বৃহস্পতি ও মহসূর অংশের প্রতিচ্ছবিও এ নয়। বিরাট সমাজের মাত্র এক শ্রেণীর নরনারীদের লক্ষ্য করেই কবিতাগুলির উভয়, তাই, সমাজের যে-দিকের ছবি এতে ফোটাবার চেষ্টা করা হয়েছে, সেটা নিছক কবি-কল্পনা নয়, ভাব-বিলাসিতা তো নয়ই। বাস্তব সমাজের প্রতি ঝান্দের সহানুভূতির দৃষ্টি এখনো সজাগ আছে, নোতুনত্বের মোহে তা’ এখনো ক’পস। হ’য়ে আসে নি—ঠারাই স্বীকার করবেন যে এই কবিতাগুলি জীবন্ত মানুষ ও বাস্তব পরিবেশ নিয়েই গ’ড়ে উঠেছে। আগামের সমাজের এই শ্রেণীর নরনারীর চলাফেরা দেখে হঠাৎ আমাদের চমক লাগে, কিন্তু সে চমক ভেঙ্গে যায় “পরক্ষণেই তাদের অসংসারশৃঙ্গ সাম্প্রতিক অভিযান দেখে। গত দশ বছর কি তারো কম, আমাদের সমাজের গতি বা প্রগতি এমনি উৎকট ও উদ্গ্রা হ’য়ে উঠেছে যে নোতুন কিছু দেখলে বিশ্ব লাগার সঙ্গে সঙ্গে উৎফুল্ল হয়ে উঠার উৎসাহ নিম্নের মধ্যে কপূরের মত উঠে যাব।

গতামুগ্রতিক পছাড় চিরদিন মোহাবিষ্টের মত চলার পক্ষপাতী আমরা নই—মহাদি কথিত আইন-কানুন বা তথাকথিত নীতিরক্ষার উপদেশাবলী মেলে চলাই যে সামাজিক স্বাস্থ্যরক্ষার একমাত্র উপায় তাও আমরা মনে করি না। আমরাও সত্যকার প্রগতি চাই, নোতুন পথে চলার সাহসও আমাদের আছে, কাঠামোটাও বদলাতে চাই যদি সমাজের বুকে নোতুন প্রাণের প্রতিষ্ঠা করতে পারি, তার গতিবেগে নৃতন উন্নাদনা জাগাতে পারি, তার স্তিমিতগ্রায় দৃষ্টিতে নোতুন আলোয় নোতুন জগতের সন্ধান দিতে পারি, তার দেহে নোতুন স্পন্দন, তার শ্রবণে নব জীবনের নবীন মন্ত্র, তার কঢ়ে নব জাগরণের নিত্য নোতুন গান জোগাতে পারি। কিন্তু সমাজের আসল ক্লপকে তথাকথিত সভ্যতা ও প্রগতির মুখোস পরিয়ে সাম্প্রতিক ক্লপসজ্জায় চটক-সুন্দর ক'রে আত্মবঞ্চনা করার পক্ষপাতী আমরা নই। সেই কারণেই এই “মডার্ন কবিতা” প্রকাশের প্রয়োজন হয়েছে। এতে ভুল ভাস্তি হয়ত আছে—কিন্তু দংশন নেই বরং দুরদ আছে এবং এর প্রয়োজনও যে আছে, একথা অস্বীকার করা যাব না।

‘মডার্ণ কবিতা’র কবিতাগুলি দৃষ্টিভঙ্গীর দিক ‘দিয়ে’ নোতুন, অর্থাৎ এগুলির আবেদন বা ‘আউটলুক’—‘ক্ল্যাসিকাল’ নয়—সম্পূর্ণ ‘মডার্ণ’, কিন্তু আসলে এগুলি ‘সোসাল পোয়েম’ বা সামাজিক কবিতা। বর্তমান পরিবেশ সম্পর্কে কবির যে অ্যাটিটিউড (attitude) বা ভাবধারণা, এ কবিতাগুলির উন্নত হয়েছে তারি থেকে। এগুলি সেই ভাবের কবিতা, যেভাবে আমরা বর্তমান সমাজের একদিকের ভাঙ্গনকে লক্ষ্য করছি। ভাঙ্গনের পর গড়ন আসে, এটা প্রকৃতির নিয়ম;—নদীর উদ্ধামতায় শ্রোতের স্থষ্টি হয়, সে শ্রোতে ভাঙে যেমন একদিক, অন্ত দিকটা তেমনি গড়েও ওঠে তার সমস্ত ক্ষতিপূরণ ক’রে—নদীর শ্রোতবেগের মধ্যে তার স্বকীয় উদ্ধামতা থাকে ব’লেই গড়নের কাজ সম্ভব হয়। কিন্তু আজকের দিনের এ ভাঙ্গনের শ্রোতে গতিবেগ আছে কিন্তু প্রাণবেগ নাই,—এর প্রয়োজনের মূলে স্থষ্টির কোনো তাগিদ নেই—আছে কেবল জৈবিক উদ্ভেজন।


আধুনিক সমাজের রূপ এই, এই পথে সে রঙ-বেরঙের প্রসাধন ক’রে চলেছে, এমনি তার হাবভাব, ধরণ-ধারণ, এই উপায়েই সম্পত্তি সে তার জীবনকে চরিতার্থ করতে চায়, এই পথেই সে তার দেহের ক্ষুধা ও আত্মার তৃষ্ণার তৃষ্ণি খুঁজে বেড়ায়—এই কবিতাগুলিকে তারই বস্তুগত ও ভাবগত ফটোগ্রাফ বা প্রতিচ্ছবি বলা যেতে পারে। কিন্তু এ কবিতাগুলি সমাজের বর্তমান অবস্থার মাত্র একদিকের ছবি; সহানুভূতি আছে ব’লেই এগুলির মধ্যে স্কুল-মাস্টারী করার কোনো প্রয়াস নেই। Didactic বা উপাদেশাত্মক নয় ব’লেই এতে রম্যতারও ঢাপ আছে। লক্ষ্য করলে দেখা যাবে, অনেক কবিতার শিরোনাম দ্বারা পাঠকমনকে বিষয়বস্তু সম্বন্ধে প্রারম্ভেই সজাগ ক’রে তোলার চেষ্টা হয়েছে। কোনো কোনোটি সমস্ত কবিতার প্রতিপাদ্য বিষয়কে অর্থপূর্ণ ক’রে দিয়েছে, তাতে পাঠকের মন কাব্যের সেই বিশিষ্ট রসকে উপভোগ করার জন্য প্রথম থেকেই প্রস্তুত হবে আশা করা যায়।

বাহিরের হাওয়া ও ভিতরকার ঘটনা পরম্পরায় আমাদের মন যে সম্পত্তি তার সাংস্কৃতিক ভিত্তিভূমি থেকে ক্রমশঃ অপস্থিত হ’য়ে পড়ছে, কবিতাগুলির ইংরাজি শিরোনাম থেকেই আশা করি তার ইঙ্গিত পাওয়া কঠিন হবে না। *


বাংলা সাহিত্যে নিছক মডার্ণ বা সাম্প্রতিক কবিতা 'ব'লে থা' চলছে, বা চালানোর চেষ্টা হচ্ছে, তার সঙ্গে এগুলির মালমশলা, পটভূমি, ব্যঙ্গনা ও গতির কিছুটা মিল আছে বটে—কিন্তু আদর্শের বা আকার-প্রকারের বিশেষ কোনো মিল নেই—তবুও বইধানির নাম যে “মডার্ণ কবিতা” রাখা হ’ল, তার কারণ, এগুলি কোনো mood বা মেজাজের কবিতা নয়। এগুলি আধুনিক পরিবেশ সম্পর্কে কবির মনোভাবেরই (attitude) কবিতা, এবং কবির মননশীলতা সময়, ঘটনা ও পরিবেশ সম্পর্কে সম্পূর্ণ মডার্ণ বা আধুনিক।

অতি-প্রগতিপন্থী সাম্প্রতিক মন এতে হয়ত সায় দেবেন। কিন্তু তাতে কিছু আসে যায় না। যদি এই “মডার্ণ কবিতা”র আয়নায় আমাদের সমাজের আধুনিক-আধুনিকাদের মধ্যে কেহ কেহ নিজের মুখচ্ছবি দেখতে পান এবং নিজের আসল ক্রপ দেখে আজ্ঞাসন্ধিৎ ফিরে পান, তাহলে মনে করব ‘মডার্ণ কবিতা’ লেখার প্রয়োজন ছিল এবং তা’ সার্থকও হয়েছে।

‘মডার্ণ কবিতা’র প্রচন্ডপটের পরিকল্পনা ও অঙ্কন করেছেন সুপরিচিত শিল্পী শ্রীআশু বন্দ্যোপাধ্যায়। তাঁর স্বনিপুণ তুলিতে কবিতাগুলির ভিতরের রঙ প্রচন্ডে প্রতিফলিত হয়েছে দেখে আমার খুব আনন্দ হয়েছে।



মডার্ণ গার্ল	...	৭
মডার্ণ বয়	...	৯
ফিল্ম-ফোবিয়া	...	১২
ডাইলেন্স	...	১৪
জেলাসি	...	১৭
ম্যামজেলু	...	২০
ওবেদিয়া ম্যানসন	...	২২
ভাইপোরি	...	২৪
পাসিং শো	...	২৭
২২ নম্বরে থাকি	...	৩০
লেডিজ সিট	...	৩৩
“প্যারাডাইস লষ্ট”	...	৩৬
“প্যারাডাইস রিগেন্ড”	...	৩৮
কল্ফেশন	...	৪১
রোমাঞ্চ	...	৪৩
হাঙ্গার-মার্চ	...	৪৪



ଶ୍ରୀ
ଶ୍ରୀ ମହାନେତା
ପଦମଙ୍ଗ

୨୨/୧୦୨

ଶ୍ରୀ ମହାନେତା

আজ বস্ত এসেছে সোনার রঙে রঙীন হয়ে,—

গঙ্গাদির লয় বাতাস এল তার সঙ্গে

তুষার-শুভ ফোটা ফুলের সৌন্দর্যে ।

সহস্র নয়নে জাগল ব্যাকুল অভিমন্দন

আর বসন্তের আনন্দে ফুটল শিত হাস্ত

সে তাই দিয়ে করবে নোতুন করে' মনোহরণ ।

৩

সবুজ গালিচা বিস্তীর্ণ হল চারিদিকে,

অঙ্গুলোকের ন্যায় আভায়

নিশিতোরের শিশির কণায় সে আজ ডাক দিয়েছে

ডাক দিয়েছে শুধু

মাঝুরের মধ্যেকার অমৃগৃহীতের দলকে ।

প্রথম ডাকেই সাড়া দিল যত মুচের দল ।

সেজে শুজে বেরিয়ে এল নরনারী দলে দলে

তরুণীরা দিল বুকের বসন আল্গা করে ।

নগরের কবি এসে হলেন জ্বায়েত

হাতে তার পেঞ্জিল আর কাগজ—

নাকের উপর চড়ান একজোড়া সঙ্ঘানী চশমা ।

বসন্তের আকশ্মিক উন্মাদনায়

বর্ষিষ্ঠার দিয়ে তৃণভূমিতে বেরিয়ে এল অনন্ত জনশ্রোত ।

গাছে গাছে তখন লেগেছে ফুল-ফোটার তাড়া

তরুণ-তরুণীর আর বিশ্বয়ের অস্ত নাই,

ফোটা, আধফোটা ফুল নিয়ে

স্মৃক হল তাদের সোহাগের খেলা ;

আসঙ্গলিঙ্গ পক্ষীমিথুনের সঙ্গীতে

শ্রতিষ্যুগল তাদের হল আকৃষ্ট ;

নীলাকাশ বিদীর্ণ করে' উঠল আনন্দধৰণি

আমারো কাছে এসেছিল এই বসন্ত

বাঁর বাঁর সে আমার দ্বারে আঘাত করে'

আমায় বলেছে,—আমি যে বস্তু !
এস, এস হে পৃথিবিতোর বিষণ্ণ কবি
বাহিরে এস, তোমার আমি করি চুক্তি !
দৃঢ়বন্ধ রাইল আমার গৃহবার,
হেকে বল্লাম—
অবাহিন্ত অতিথি তুমি,
বৃথা তোমার এ প্রলোভন—
দৃষ্টি আমার দীর্ঘ বিদীর্ঘ করে দেখেছে তোমায়,
দেখেছে এই পৃথিবীর প্রতি অণু-পরমাণু।
আমি দেখেছি অনেকখানি, অনেক গভীরে ।
আনন্দ আর নাই আমায়,
চির-যন্ত্রণা এখন আমার ছদয়ে ।
মাহুষের পাষাণ-কঠিন আবরণের নীচে
অতি নীচে আমি দেখতে পেয়েছি,
দেখতে পেয়েছি তাদের গৃহ-সংসার,
আর তাদের অন্তঃকরণের অন্তঙ্গল ।
আর কিছু দেখতে পাইনি আমি—
দেখেছি শুধু যিদ্যা আর প্রত্যারণা,
অনিবার ছঃখ ও মর্জনের যন্ত্রণা,
মাহুষের মুখের চেহারায় তার কাঁধনার ছাপ,
—কদর্য ও কৃৎসিত :
সজ্জ তরুণীর সজ্জার রাঙ্গিমা
লুকিয়ে রাখে তার উদগ্র অদর্য সাঙ্গসা,
তরুণের উৎসাহদীপ্ত ললাটের আবরণে
ঢাকা ধাকে তার
রঙ বেরঙের ছল বাসনা ।

এ পৃথিবীতে মাহুষ দেখিনা,
দেখি শুধু মাহুষের বিলীয়মান ছামা,
তার বিকৃত ক্রপ, আর শহিছাড়া আচরণ,
সন্দেহ আঁগে—

কে কি উদ্ঘাসাগাম ?

—না, হাসপাতাল ?

মাটির ভিতর দিয়ে আমি দেখতে পাই
সেই প্রাচীনা পৃথিবীকে,
এ যেন স্ফটিকে গড়া ;
আমি দেখতে পাই
আনন্দ-উচ্ছব সবুজের আড়ালে বসন্ত
বৃথাই ঢাক্কতে চায় তার বিভীষিকা,—
আমি দেখতে পাই, মৃতের দল
সঙ্কীর্ণ শবাধারে হাতছাটি জোড় করে
শয়ে আছে
উন্মিলিত নয়নে তাদের স্থির দৃষ্টি,
কঠোর ও ভয়াবহ ।
শ্বেত বংশের আবরণে শ্বেত দেহ,
তত্ত্বাধিক শ্বেতবর্ণ তাদের মুখাবয়ব ।
সেই মুখ-বিবর হ'তে হামাগুড়ি দিয়ে
অনর্গল বেরিয়ে আসছে অগণ্য পীত কীট ।
আমি দেখছি—পিতার কবরের উপর
উপপঞ্চী নিয়ে বসে আছে তার সন্তান,
সেই বারবণিতা নিয়ে চলছে তার রভস-লীলা।
তার উচ্ছৃঙ্খল সোহাগের কুৎসিত অভিনয় ।
চারিদিকে বুলবুলির অবজ্ঞা ও ঘৃণার কাকলি—
মাঠের ছেঁটি ফুল—সেও হাসছে বিজ্ঞপের হাসি ।
মৃত পিতা সন্তানকেও টেনে নেয় তার কবরে ।
প্রাচীনা ধরিত্রীমাতা
কেঁপে ওঠে যেন তারি মর্মান্তিক ঘন্টায় ।

অভাগিনী জননী পৃথিবী,
তোমার এ বেদনাকে আমি ভাল করেই জানি,
আমি স্পষ্ট দেখতে পাই
তোমার বুকের প্রক্ষেপ ক্ষেত্র-বক্ষি,

‘দেখতে পাই, তোমার সহস্র ধনুলি হতে
বায়ে পড়ছে তপ্ত শোণিত-ধারা,
বিদীর্ণ ক্ষতমূখ হতে
উদিগরীত হতে দেখি—
ভীষণ অগ্নি, বিশুক ধূম্ররাশি
আর উৎকট সেই কুণ্ডির ধারা।

দেখতে পাই, তোমার আদিষ্টগের সন্তান
সেই দৈত্য দলকে ;
অঙ্ককার রসাতল থেকে ওঠে তারা,
নিখিল বিশ্বকে করে তারা তুচ্ছজ্ঞান—
হাতে ছলছে তাদের প্রজ্জলিত মশাল,
আকাশের গায়ে লাগিয়েছে তারা
লোহার সিঁড়ি,
অটল স্বর্ণের উপর বর্ষণ করে চলেছে তারা
উন্মত্ত বাঢ়ের অসহ আঘাত।

কুর্বণ্বর্ণ বায়নের দল
উঠে আসে তারা একটির পর একটি।

আকাশের নক্ষত্র
সোনার ঝঁড়ো হয়ে ভেঙে পড়ে
মাটির উপরে।

অপবিত্র হাতের কঠিন স্পর্শে
ছিন্ন ভিন্ন হয়ে যায়
ঈশ্বরের পটমণ্ডপের স্বর্ণবরণ ;

দেবদূতের দলকে দেখি
আর্তস্বরে চিংকার করে
নিম্নভূমিতে পতিত হতে।

নৈরাঞ্জ-পাতুর ঈশ্বর
সিংহাসনে বসে’—চেনে ফেলে দেয়
স্বহস্তে তার রাজমুকুট—

ছিঁড়ে ফেলে তার দেবছর্ণভ কেশরাশি।

প্রমত্ত ইতরদলের কোলাহল
এগিলে আসে তার নিকটে—অতি নিকটে।

স্বর্গমাঞ্জের চতুর্দিকে চলে
দৈত্যদানবের জলন্ত মশাল ছোড়াছুঁড়ি—
পলায়মান দেবদূতের পৃষ্ঠে পড়ে
কৃষ্ণ বামনের বক্তি-কশাৰ অবিৱাম আঘাত,
আঘাত-বেদনায় নতজাহু হয়ে
দেবদূতের সে কী আর্তকুলন !
কেশাকৰ্ষণে নিষ্কাশিত হয় তাৱা
তাদেৱ চিৱ-অধিকৃত স্বর্গধাম হ'তে ।
আমি দেখছি আমাৰ দেবদূতকে,
কমলীয় তাৱ আকৃতি
স্বর্ণকেশে কি ঝুন্দৰ তাৱ শিৱশোভা,
অধরোঠে তাৱ শাখত প্ৰেম
প্ৰশান্ত নয়নে তাৱ
নিশ্চিত মুক্তিৰ পৱন আশ্বাস—
আমি দেখেছি—
কৃষ্ণকায় এক শয়তান
জঘন্ত বীভৎস তাৱ কৃপ
হঠাৎ এসে ছিনিয়ে নিয়ে গেল
আমাৰ সেই দেবদূতকে—
নিষ্পাপ অকলক দেহেৱ উপৱ দিল হানা ;
কি কদৰ্য্য সে শয়তানেৱ মুখব্যাদান
আৱ তাৱ হিংস্র কটাক্ষ নিক্ষেপ ;
দেবদূত আজ বন্দী হল
শয়তানেৱ দৃঢ় আলিঙ্গনে ।
আকাশ বিদীৰ্ঘ কৱে উঠল আৰ্তন্দৱ,
স্তৰেৱ পৱ স্তৰ
ভেঙ্গে ফেটে পড়ে চৌচিৱ হয়ে ;
স্বর্গমৰ্ত্ত হ'ল স্তম্ভিত অভিভূত :
—আৱ সবাৱ উপৱ ছড়িয়ে গেল
চিৱস্তন রাত্ৰিৰ
সুচীভেত গভীৰ অঙ্ককাৱ । *

[* Heine-এৱ The Twilight Of The Gods হইতে]

মডার্ণ গাল

শোন মঞ্জুরী, বড় ভয় করি বানানো কথারে আমি
আর ভয় করি এতটুকু কথা এতখানি করে বলা,
“হাই-হিল” মেয়ে, পথে চলে ধেয়ে, এদিক ওদিক চেয়ে
তাল সাম্লাতে তারে দিনে রাতে দূরে দূরে রেখে চলা—
বুদ্ধিমানেরি কাজ বলে জানি,—যাই বল তুমি মোরে
নাক-সিঁট্কানো মেয়ে মহলেরে দূর হতে গড় করি

পাশ-করা মেয়ে দেমাক দেখায় লজ্জার মাথা খেয়ে
বেকারের দল ‘পাইস্ হোটেল’ ভীড় করে সঙ্ক্ষায়
ইংরেজী বুলি নেহাত মামুলি আসু জমে না তাতে
ঢং করে সং সাজিলে বাড়ে না মেয়েদের কোমলতা ;
লজ্জা সরম নারীর ভূষণ গেছে সে আপদ চুকে
বেহায়াপনারে রঙীন করিয়া বলে এরা ‘এটিকেট’।

ধর একে একে,—সাম্রাজ্য সেন, মিলি গুপ্তের কথা,
 কলেজের সেরা বড় নাম-করা অঞ্জলি সরকার,
 কিন্তু ধরনা মায়া মুখার্জি আরতি-সম্পাদিকা,
 সঙ্ক্ষা-সংঘ অধিষ্ঠাত্রী মিস্ আইরিন্ ড্যাট্,
 ফ্লাইং ফ্লাবের কায়েমী সভ্যা মিস্ কল্পনাকণ।
 অথবা ধরনা ‘পাইট্’ ফ্লাবের রিপ্রিচ কি আইভি বোস—
 এক ছাঁচে গড়া প্রগতি-প্রিয়াসী এই ত মডার্গ গাল,
 ‘ফ্যাশানে’ ‘কশনে’ পোক্ত ‘মোশনে’ অতি গুরুগবিত,
 ‘ইমোশান’-হীন, ‘প্যাশান’-বিহীন, ‘কমোশন-মঙ্গার’
 পুরুষের কাজে ইহাঁরাই নাকি শক্তি-সংগ্রামিণী !
 চায়ের পেয়ালা ধরিতে যাদের ‘স্থী-ধর-ধর’ ভাব
 তারা যে মাথায় নেবে সংসার সে আশা হয় না মনে ।

বক্মকে শাড়ী, পাড়ের বাহার যত সুন্দরই হোক
 আঁচলটা যত দাও না ঘুরিয়ে ডাইনে অথবা বাঁয়ে,
 আধুনিক হালে চাল বদ্লিয়ে যতই ‘ফ্যাশান’ কর ;
 ব্লাউজের ছাঁট কেটে ছেটে ফেলে যতই নামিয়ে দাও,
 কেহ বলিবে না মেনকা রস্তা হেলেন কি বিয়াট্‌স্
 ‘মিস্’ বলে কেও ডাক্ দিলে হাতে স্বর্গ আসে না নেমে ।
 ছকানের ছল ছলিয়ে দাওনা যতই লস্বা করে’
 বুকের ব্রোচ্টা ঢালের মতন বড় করে’ পর বুকে,
 পিঠভরা ছুল ‘ব্ব’ করে ফেল, হবে সেটা ফ্লাইমেঞ্চ,
 ঠোটে ঝজ দাও, নথে ‘কিউটেঞ্চ,’ পাউডার ঘসে ঘসে
 মানব-জমিন চাষ করে ফেল, মাকাল ফলের আশে
 আমরা কখনো মনে করিব না তোমরা বাঙালী মেয়ে ।

মডার্ণ বয়

“দামোদর ফ্লাডে’ কত চাঁদা দিলে ?—হ’ল কি ব্যাপারখানা
বন্ধার জল গ্রাণ ট্রাঙ্ক রোডে’ তোড়ে এসে দিল হানা,
জলে ভাসে ঘর,—ঘর হ’তে লোক বৃথা আশ্রয় খুঁজে
স্নোতের আগায় তৃণের সমান ভেসে চলে চোখ খুঁজে ।—”

“যাক ভেসে যাক, তোমার আমার কতখানি এল গেল ;
দেখত’ ‘সাউথ ক্যালকাটা ফ্লাবে’ কোন্ দল ‘কাপ’ পেল ?
‘টেলিগ্রাম পেজ’ উল্টিয়ে দেখ, ‘স্পোর্টিং নিউজ’ গুলি
‘শিল্ড’ জিতে গেছে ভারি মজা করে কালুকে শেওড়াফুলি ;
যতীন বোসের ‘সেণ্টার’ খেলা, একেবারে বাজে ভাই,
‘হাপ্ ব্যাক’ খেলে মধু মিঞ্চির ইষ্ট-বেঙ্গল-চাই,—
কিন্তু যা’ বল, ‘গোল’ দিলে বটে সুবিমল শ্বাণেল,
‘হাওড়া স্পোর্টিং ম্যাচ দিতে এসে পেয়ে গেছে আকেল ।”

মডার্ণ কবিতা

“দেখ দেখ,—এটা বন্ধার ছবি,—আহা ! গোটা পরিবার
উচু চিবিটায় বসে আছে ঠায়, একাকার চারিধার ;
শ্বেতে ভেসে যায় তৃণের সমান চৌরী ঘরের চাল,
বর্ষা থেমেছে, ষাঁড়াৰ্ষাঁড়ি বান্দাকিতেও পারে কাল ।”

‘ডাকেত ডাকুক ;—এ দিকে দেখেছ, কাগজে কি কথা লেখে
নাচিয়ের দল পৌছল এসে রিও-ডি-জেনেরো থেকে ;
তিনটি ঘণ্টা সমানে চলিবে তরুণী মেমের ‘ড্যাল্স’
মাঝে মাঝে নেচে হাতের গোড়ায়, করে’ যাবে ‘অ্যাড্ভাল্স,’
‘রোমাল্স’ জীবনে হয়েছে কখনও, রোমাঞ্চ কভু মনে ?
পরীর স্বপন জেগে কি ঘূর্মিয়ে দেখেছ সংগোপনে ?”

“শ্লাম-সায়রের কুলে বেধে গেল, শ্বেতে ভাসা খড়ে চাল,
তারই পরে ঠায় দাঁড়িয়ে বিমায় গৃহহীন নাজেহাল ;
তারই মাঝে নারী প্রসব-ব্যথায় করিতেছে লুটোপুটি—
সন্তানে রাখি’ চিরদিন তরে মুদিল নয়ন ছুটি—;
পাশে ভেসে এল সধবা রমণী, বাঁধা তার বাহ্যমূলে
শিশুকষ্টার মৃতদেহ খানি ঢাকা মার এলো চুলে ।”

“বেনো জল যেন তোমার কথায় ঢোকে চৌরঙ্গীতে
শ্বেতের ঝাপটা হরদম বুঝি লাগে ‘চিত্রা’র ভিতে !
পাগলামি ছাড়, তার চেয়ে চল, ‘ঝোবে’ কি ‘ম্যাডানে’ যাই,
দিশি ছবি ? বেশ ! দেখ ‘ফিচারিং’এ কোথায় রতন বাঙ্গ—
‘দেবদাস’ দেখে ‘লেকে’ ভরাডুবি, নহেক সন্তা প্রাণ—
তার চেয়ে যাব বন্ধা-‘রিলিফে’ ন’দে কি বর্দ্ধমান ।
‘গ্রেটা, মার্লিন, এলিসা ল্যাণ্ডি, শ্লান্সি ক্যারোল, জিন,
‘প্যারেড’ করিয়া আসিছে সবাই, মাথা করে রিম ঝিম্
এসবের কাছে বাঙালী মেয়ের নাম আনিও না মুখে,

হাপ- আখ্ডায়ে পোক্ত তাহারা,—‘থিল’ আনেনাক’ বুকে ;
‘ফিল্ম-কেলাসে’র শ্রীবিলেশবাবু, তুমি ‘ব্যাক-বেঞ্চার’
‘কিড মিলিয়ন’ দেখনিক তুমি—?—‘বেঙ্গলী ল্যাঙ্গার’ ?
—সুভাষ বোসের কথা ছেড়ে দাও, শুনিয়াছি সম্প্রতি,
রোগে ভুগে ভুগে জ্ঞান-বুদ্ধির ঘটিয়াছে অবনতি ।
এদিকে দেখেছ ?—সকাল বেলাটা যেন পূজো-পূজো লাগে ।
হৃপুরের ‘শো’তে ঘোবে বড় ভিড়, টিকিট কিনিও আগে ।

—*—

ফিল্ম-কোবিয়া

আমার মনের আয়না হয়েছে বায়োস্কোপের ক্রীণ,
দিবস রাত্রি চলিছে সেথায় জৌলুস রোশ্নাই,
পায়ের শব্দ যেন চেনা চেনা, চকিত হইয়া চাই,
কথা গুণে গুণে ডায়েরিতে মোর কেবল সাজায়ে যাই
সবুজ ধরণী মন-প্রাণ তার হ'ল কি এভারগ্রীণ ?

ডোলেরেস ডেল্‌ রিও দোলে মোর কামনার ফুলদোলে
ভারী ককেটিশ লিলিয়ান গিস্‌ ছষ্টুমি ভরা হাসি,
ডরোথি ল্যামুর প্রেম-ব্যথাতুর ভগ্নহৃদয়ে আসি
হাতছানি দেয় ; আমারে কাঁদায় ক্লডেট সর্বনাশী
জেনেট গেনার পাওনা দেনার বকেয়া হিসাব খোলে ।

গার্বোর নাকি বয়স হয়েছে, মারলিন ডিম্যাট্রিচ
যৌবন সীমা পারায়ে যদিবা বয়স্কা হয়ে থাকে,

তাহাদেরি মাঝে আদিম কালের ইত্যে আমারে ডাকে
আটের ধর্ষে যুবতীজনের কেবা চাট করে রাখে,
মন দেওয়া-নেওয়া বার্গেন নয় সমান উচ্চ নীচ ।

মর্ত্তে আসিল উর্বশী নটী ইসোডোরা ডান্কেন
জীবন তাহার সুরু হ'ত ঠিক মাতাল ছপুর রাতে,
শেরি, স্টাম্পেন, ভারমুথ, শেষে ‘জিন’-এর গেলাস হাতে
যেন বিহ্যৎ ঠিকরিয়া পড়ে নৃত্য-তালের সাথে
কূপ-যৌবন তার কাছে হায় নিতান্ত মান্ডেন ।

ইতালির কবি দান্নুনাসিও বিলাতের কবি ক্রেগ
ইসোডোরা গেল চরণে দলিয়া তাদের প্রেমাঞ্জলি,
জিন নিয়ে আর দারিদ্র্য নিয়ে সে ছিল এভার-জলি ;
বুড়ো শালিখের প্রেম নিয়ে সেতো করেনিক ঢলাচলি
জীবনে ও জিনে পাঞ্চ করে নিল পেগের উপরে পেগ ।

আমার মনের পর্দায় পড়ে কাদের উজল ছায়া ?
ক্লেয়ার ডডের সুন্দর হাসি, নর্মার সরলতা
মৌন-মধুর আর্থাৰ ! মোৱ একি এ দুর্বলতা
নবাগতা জিন রিগ্যানের চোখে হেরিছু চঞ্চলতা,
গ্রেস্মুর রচে স্বরের স্বপন, বেনেট মোহিনী মায়া ।

—ঃঃঃ

ডাইলেঘা

ইলারে আমাৰ বড় ভাল লাগে, অৱুণা রায়কে বেসেছি ভালো
শ্বামলী বশুৱ খাসা চোখ ছটি, হোকুনা গায়ের রঙটা কালো,
মনটা ত উঁচু, লিবাৰেল ভিউ, জড়সড় নয় লজ্জা-ত্রাসে
হাসাতে পাৱিলে জায়গা মাফিক শ্বামলীও বেশ মিষ্টি হাসে ।
হেনা গুপ্তকে ধায় না'ক চেনা, তবু কে না চায় তাহারে কাছে
তারে ভালবেসে আনন্দ হয়, তারে জয় ক'রে গৰ্ব আছে ;
ছোট ছোট ক'রে কথা কয়ে ধায়, মাৰো মাৰো চায় নয়ন তুলে
কাজলে বড় মানায় হেনাকে, সে-কথা এখনো ধায়নি ভুলে ;
সেয়ানা বলে ত মনে হ'ল না ক', মনে হ'ল হেনা দিবিৰ মেয়ে
তঁৰী মেয়েৰ শৌৱৰ বৰ্ণ হৃদয় আমাৰ রেখেছে ছেয়ে ।

আমি ভালবাসি সত্যি করেই অৱুন্ধতিৰ বান্ধবতা
সুলতাৰ সাথে মোৱ পৱিচয় ? সে কথা থাক, সে অনেক কথা,—
আমি দিলু ফুল, সে দিল আমাৰে কুন্দ ফুলেৰ মালিকা থানি ;

ভুলিতে পারি না একটি মেয়েরে, পাড়া-গেঁয়ে মেয়ে

শেফালি রাণী ;—

রঙ মনে নাই, মনে আছে বেশ, সে মুখ হাজারে একটি মেলে,
মাটির প্রদীপ নিবু নিবু করে আপনার হাতে তুলিতে গেলে,
লজ্জা-সরমে নরম-সরম, গেঁয়ো মেয়ে রঙ হোক না কালো।
বেহায়া মেয়ের ফ্লার্ট কি ফ্ল্যাটারি সহরেই বেশ মানায় ভালো ;
কথা ত কয়নি হেনার মতন, জড়সড় যেন লজ্জাভরে
তবুও এ প্রাণ করে আনচান আঙিনায় বরা শিউলি তরে ।

সত্য কথা কি শুনিবে বন্ধু,—তবে শোন বলি আসল কথা
আমার মনের মানস-প্রতিমা গীত-শুন্দরী কনকলতা ;
রূপবতী রাজকন্যা চাহিনা, রূপ দেখে মোর ঘেন্না করে
রূপের দেমাক যার আছে ধাক্ গুণ দেখে মন খুসীতে ভরে, ;
আমার লতার রূপ নাই বলে, সে যে হ'ল মোর পরাণ-প্রিয়া
গান গেয়ে গেয়ে কনক আমার ভরিয়া দিয়েছে শৃঙ্খ হিয়া ।
তাই বলে আমি শ্রীলতারে কভু ভালবাসি নাই মোহের ঘোরে
মোর কবিতায় তারে যে পেয়েছি, সে যে কবিতায়
চেয়েছে মোরে ।

আমার মনের কল্পনা নিয়ে শ্রীলতারে বুঝি গড়েছে বিধি
তারে ভালবেসে আত্মি মেটে না, বিশ্বভূবনে সে প্রেমনিধি ।
এই জীবনের গভীর গোপনে লতারে পেয়েছি, আমার লতা
সে রচিছে তাই কাব্য-গাথায় তার ও আমার জীবন-কথা ।
যে মঞ্জুলার সাগর-নৃত্যে যোগী ধ্যান ভেঙ্গে দাঁড়ায় এসে
কিবা অপরাধ মনে প্রাণে কেহ তারে চাহে যদি ভালই বেসে,
মঞ্জুরাণীর নৃত্যের তালে বুকের রস্ত নাচিয়া ওঠে
দেহ-ভঙ্গীতে ললিত লাস্তে অশোক চম্পা পদ্ম ফোটে,
মনেরে শুধালে কহে কানে কানে মঞ্জু, মঞ্জু—মঞ্জুরাণী
মঞ্জুরে ভালবেসেছি সত্য, রূপে মঞ্জুলা প্রতিমা খানি ।

অমিয়া মিত্র অতি আধুনিক। তরুণ প্রাণের নিত্য সাক্ষী
সেদিন হঠাতে বোটানিকে গিয়ে পরিচয় থেকে যে মাথামাথি
হয়ে গেল সেটা জানে অনেকেই, বন্ধুমহলে জেলাসি এল
অমিয়া খুঁজিয়া আমার মধ্যে কোনু রমণীয় বস্ত্র পেল ?
অর্থে বিদ্যা অমিয়ারাণীর লিখিয়ে-পড়িয়ে এমন ধারা
ক'টা মেয়ে আছে সারা বাঙ্গলায়, তারে দেখে যদি আঘাতারা
হয়ে থাকি আমি, কি দোষ করেছি ? সত্য অমিরে

বেসেছি ভালো।

রমণী-রত্ন অমিয়া মিত্র মনেপ্রাণে তার যুগের আলো।
তার শিক্ষার আদর্শ নিয়ে আমি কাটালাম রাত্রি দিবা
শ্রেণে মশগুল এমন সময় ধূমকেতু সম এলেন বিভা,
বিভারে চেন না ? বিভা সরকার ... যেন প্রত্পু বহিশিখা
জীবনে বিভারে পেয়েছি যে আমি, সে মোর পরম ভাগ্যলিখা,
আগুনে তাহার জলেছি নিত্য, তবু সে আগুন বক্ষে ধরি'
শত জীবনের অবসাদ মোর মৃহুর্তে যেন গিয়েছে সরি,
কচে এলে জলে, দূরে গেলে তার বাড়ে যে বিশুণ বহিজ্ঞালা
বুঝিতে পারি না, এই ভাল না কি ভাল সুলতার কুন্দমালা।

—————

জেলাসি

‘টাইগার তিলে’ সূর্য-উদয় দেখিতে দেখিতে আমাৰ মনে
সোনালি রঙেৰ চেতু খেলে গেল, জানিনাক কোনু শুভক্ষণে।
অজিত গুপ্ত কবি বলে খ্যাত, কবিৰি মতন চেহারা বটে
ভাগ্যে থাকিলে এমনি কৱেই, পথে জানা শুনা হঠাতে ঘটে।
তিনি এসেছেন সবাঙ্কবে, আমৰা মাত্ৰ তিনটি প্ৰাণী—
ছোট বোন সুধা, মাসিমা, আমাৰ প্ৰিয় বাঙ্কবী মল্লীৱাণী !
মল্লীৰ নাই লজ্জাসৱম, হাঁ কৱে দেখি সে তাকিয়ে আছে
অত ভাল নয়, সুন্দৰ বলে গা-পড়া হয়ে কে এগোয় কাছে।
অজিত বাবুৰ মাৰ সাথে নাকি মাসিমাৰ আছে আঞ্জীয়তা
তাই না পৱন্তি আমাদেৱ বাড়ী চা খাবেন বলে দিলেন কথা,
যাই হোক বাপু, বুৰিয়ে শুৰিয়ে বলে দিতে হবে মল্লিকাৱে,
চা পাটিতে যেন সমৰে চলেন, শাসন রাখেন জিহ্বাটীৱে।
এম-এ-পাশ-কৱা মেয়ে যে মল্লী, সে-কথা মাই বা জাহিৰ হ'ল
পাশ ত কৱেছি আমিও তিনটৈ, এ-কৱো সেকথা গোপনই র'ল।

অত শত বাপু আসে না মাথায়, মেয়ে মাছুরের ধিঙিপনা
বড় চোখে লাগে, সহিতে পারি না গা-পড়া মেয়ের প্রবণনা।
বলিহারি মেয়ে মলিকা ভাই, কানে তোলেনাক আমার মান
দেখ্লি ত সুধা, স্বল্প আলাপে গল্প করার কাণ খানা ?
অজিত বাবুটি ভজ বলেই হাসি মুখে গেল জবাব দিয়ে
বেহায়াপনাটা দেখ্লি ত সুধা, রেনকোর্ট আর ছার্টাটা নিয়ে ?

মল্লী কিন্তু ছিল না এমন, তার পরিচয় অনেকে জানে
ডিগ্নিটি নিয়ে ক্লাসে ছ'টি মোরা কাটিয়ে ছিলাম সসম্মানে।
আচ্ছা বল্ ত সুধা তুই ভাই, আরো ত ছ'জন বঙ্গু ছিল
মলিকা কেন চক্লেটগুলো অজিতেরি দিকে এগিয়ে দিল ?
বুনো গোলাপের তোড়া বেঁধে শুধু কবির মনকে যায় না ধরা,
অজিত বাবুরও উচিত হয়নি, এত বাড়াবাড়ি সহ করা।
'মাউন্ট ভিলায়' চা পার্টি কিন্তু পছন্দ মোর হয়নি মোটে,
কি জানি যদি বা অজিত বাবুর বঙ্গুরা সব আসিয়া জোটে।
থুসী হই যদি ধরা পড়ে যায় মল্লীরাগীর বেহায়াপনা
অজিত বাবু ত স্বপনবিলাসী দৃহাতে বিলান করুণাকণ।

দেখ্ ভাই সুধা, গোলাপের তোড়া অগোছাল করে কে রেখে দিলে,
এই টেবিলটা আয় ভাল করে সাজাই আমরা দুজনে মিলে।
মোরাদাবাদের সেই মিলে করা বড় ফুলদানী আনত তুলে
হেম্প করা ওই টেবিল ঝুঠটা মানায় না, বড় রয়েছে ঝুলে ;
ম্যাগনোলিয়ার বড় ফুলকটা নিয়ে এসে দেত আমার হাতে
এইবার দেখ্, কেমন হয়েছে—থাক্ একপাশে, দোষ কি তাতে ?
ইচ্ছা করেই জায়গাটা আমি একটু আড়ালে রেখেছি সুধা,
চোখের লজ্জা আছে তাই বলে ঢেকে রেখে দেব মনের ক্ষুধা ?

বিকেল হলেই আসবার কথা, বেলা ডুবে এল সন্ধ্যাবেলা,
আজ বুঝি ছিল টুটুল বাবুর ‘এভার গ্রীনের’ টেনিস খেলা।
কবিও কি তবে কলম ছাড়িয়া হেঠায় হলেন র্যাকেট-পানি
হয়ত তাতেই এই বিলম্ব—কোথায় গেলেন মল্লীরাণী !
টয়লেটে গেল ঘণ্টা তিনেক, এখন কি তিনি ড্রয়িং রুমে
এল যে বৃষ্টি, বৃষ্টি এলেই চোখ ঢুলে আসে আল্সে ঘুমে।
ভাল লাগেনাক, কি জানি কখন মল্লিকা কি যে করিয়া বসে
অজিত বাবুর সামনে মল্লি—কিছুতে রবে না আমার বশে।

—————*————

ম্যামজেল্

ব্রাইটন লেন যেথায় মিশেছে রিজেন্ট রোডে
মত, কলারের একতালা বাড়ী, সামনে ল্যন্ ;
বটল পামের আব্দালে যেন শিলোটি আকা
গাড়ীবারান্দা ডারসেনিয়ার ছায়ায় ঘেরা ।

দক্ষিণে তার সিম্ফনি ক্লাব,—উচু পাঁচিল
উত্তর দিকে মার্লিন পার্ক, দখিণে বাড়ী,
ভূতের ভয়ে বা উৎপাতে সেটা খালিই থাকে
পূর্বে ভেকেন্ট প্লট পড়ে আছে, বিক্রী হবে ।

অঙ্গ কবিতা

বাড়ীটার নাম “প্যান্জি কটেজ”—দিব্য নাম !
বেশ নিরিবিলি, ম্যাডাম ম্সিলি বাঙালী মেয়ে,
বিলেত-ফিলেত ঘুরে অবশ্যে কলকাতায়
মেকাপের জোরে আসর জমিয়ে আছেন বসে ।

বয়স কত যে কেউ জানেনাক’—কাজ কি জেনে ?
সব বয়সের সমান-বয়সী, অতিথি-প্রিয়া,
কালচার আর এডুকেশনের নাই অভাব ;
মধুর স্বভাব, সুমধুর ভাব—মারভেলাস् !

ডাইডেন থেকে নৃট হামসুন, টমাস হার্ডি
গোটিয়ার, রোমা, এ'চ-জি ওয়েল্সে সমান জ্ঞান,
কথা পেড়ে দেখে হবে আলোচনা রসাত্তাক,
রসিকা রমণী সকল আটের কনেসিয়ার ।

রঙীন শুভের জাল ফেলা আছে সহরময়
ম্যাডাম ম্সিলি খেলিয়ে খেলিয়ে গুটিয়ে আনে,
সেথায় যুদ্ধ তেলাপোকা আর কাঁচপোকায়
ক্রমে যেন আরো জমিয়া উঠিছে সঙ্গীন হয়ে ।

ଓবেদিয়া ম্যান্সন্

পাক সারকাস পার হয়ে বাঁয়ে মণি মালিনীর গলি,
খান দুই বাড়ী পেরিয়ে গেলেই ওবেদিয়া ম্যান্সন্ ;
ছপুর বেলাটা বেশ নিজিন, গুটিগুটি পায়ে চলি'
সিঁড়ি বেয়ে উঠে দোতালার ফ্ল্যাটে বসিও কিছুক্ষণ

ড্রিং রুমের আসবাবগুলো সাজান হাল ফ্যাসানে,
কুশনে বসিতে লাগে কমোশন অস্থির চেতনায়,
আলাপ জমিবে ছ'চার মিনিটে, প্রলাপ ডিস্কাসানে
শুনে মনে হবে ভার্জিল যেন কবিতা আউড়ে যায় ।

পাতলা পর্দা আসমানী রঙ নাইল নদীর টেউ
ফ্যানের হাওয়ায় ফুলে ফুলে ওঠে, সুন্দরী বসে পাশে, ।
সন্দেহ হবে হয়ত ও-ঘরে লুকাইয়া আছে কেউ,
টাইলেট শেষে মুখ মোছে তারি সুগন্ধ ভেসে আসে ।

অভাগ কবিতা

বেহোরা আসিয়া জানাবে সেলাম চেহারাটা ঝাঁদরেল,
সঙ্ক্ষয়ার পর সে-ই দারোয়ান দরজায় বসে থাকে,
সামনের আলো নিভানই থাকে, বাজিও কলিং বেল,
ভড়কে যেওনা ল্যাপ ডগ্টার মিহিন গলার ডাকে ।

আদপ-কায়দা দেখে মনে হবে বড় সাহেবের বাড়ী,
বেড় রুম, বাথ, প্যান্টি তে স্বেফ, মডার্ণ ফার্ণিচার,
বেআদবি সেথা আদপে চলে না, হাটে ভেঙ্গেনাক ইঁড়ি,
মিসিবাবাদের আবদার সেথা দেখিবে ছুর্নিবার ।

বুকে বল ক'রে হল ঘরটার ‘আর্ট’ পিকচার দেখো,
মনে কিছু তুমি সঙ্গ করো না, ধন্ধ কাটিয়া যাবে,
বুবিতে না পার মিস্ গুপ্তাকে অনুনয় করে ডেকো
আটের মর্শ বুবিতে কাব্যের রসও পাবে ।

বাড়ীতে হবে না, টি-পার্টি জমিও মডেল রেস্তুর্ণতে—
বেছে গুছে করো নেমন্তন্ত্র শাইনেস্ যাবে ঘুচে,
রেসপন্স পাও ভালই, নইলে লিখো খয়রাং খাতে
নৃতন খাতার পত্তন কোরো পুরোনো হিসাব মুছে ।

বেদনাতে যেন ভুলেও ছেড়েনা টাই, ট্রাউজার, টুপি
সিগারেট খেয়ে এ্যাশপটে ফেলো অন্তত আধখান,
দেখা হলে কয়ো তুচ্ছ কথাও হেসে হেসে চুপি চুপি
জের রেখে যেও আসা ও যাওয়ার, কেটে যাবে ব্যবধান ।

—————*————

ভাইপার

সেদিন বার্টা রঞ্জিত হবে— আকাশে উঠেছে চাঁদ,
ফাঁদ পাতিয়াছে কৃপসী তরণী পিচ-চালা রাস্তায়,
চাকুরিয়া লেকে মেলা বসিয়াছে শুধু মেয়েদের মেলা
আনাচে কানাচে টাট্কা আনাজ পাওয়া যায় সন্তায়

মোটরে মোটরে ধূল-পরিমাণ কিনারায় সার বাঁধা
চল্লতি মোটর ঘুরে ঘুরে মরে পায়না কাহারো খোজ,
গমকে গমকে ঠমকে ঠমকে রঞ্জিতে গোলক ধাঁধা
অবাক হইয়া হেরিবু সেদিন বালা রংণীর ‘পোজ’ !

অঙ্গার্ণ কবিতা

ঝল্মল্ করে পাড়ের বাহার ‘ইহুদি’ কি ‘জঙ্গেট’
সোনালি ফিতায় ঝপার চুম্কি কঙ্কা নানানতর,
রঙ বেরঙের ব্রাউজ জ্যাকেট—ফ্যাসান আপ-টু-ডেট
কাছ দিয়ে যায় প্রাণ হায় হায় সুগন্ধ ভরভর ।

যেতে যেতে কেও হঠাৎ থামিয়া চেয়ে থাকে কারো পানে,
অপাঙ্গে হানে তীক্ষ্ণ সায়ক—নিশ্চিত সঙ্কান ;
তারে যেন কোথা দেখেছি কখন्, বেশ চেনাচেনা মুখ,
হাল্কা হাওয়ায় হাল্কা শাড়ীর প্রাণ করে আনচান ।

মেয়েদের ভিড় লাগিয়াছে লেকে, নানান জাতের মেয়ে
নানান ঢঙের চলন বলন, নানান রঙের আশা,
সাহেব মেমেরা পায়চারী করে কাঁধে ও কোমরে হাত
একান্তে কেহ কান্তে ডাকিয়া নিবেদিছে ভালবাসা ।

চন্মন্ করে তরংণের মন সবারেই লাগে ভালো
পল্কা প্রাণটা ভাঙ্গে ভাঙ্গে করে চলকান টেউ লেগে,
কার অভিস্তারে জ্যোৎস্না-মদির রঞ্জনী উতলা হ'ল ?
নিধু গুপ্তের ‘ভক্সল্’ খানা ছোটে কেন এত বেগে ?

আরাধনা রায় নিজেই চালায় সাদা ‘বেবি অষ্টিন’
অত রঞ্জ মাথে, ছি ছি কি বিত্তী, ‘ব্ৰ’ করা কটা চুল,
ভাগ্যবন্ত বঙ্গুটি ভালো—বসে পিছনের সিটে,
বিগত দিনের জাবর কাটিয়া সন্দেহ-সমাকুল ।

এপাড়া ওপাড়া হল একাকার, কেই বা কাহারে চেনে,
‘টলিউড্’ থেকে নিত্য নোতুন ‘ফ্যাসানের’ আমদানি,
বনবালা পান ‘এ্যাপ্রিসিয়েসন’ দেবী বলে সুখ্যাতি
পার্টিতে পার্টিতে হাটি প্রশংসা, বালি থেকে চাপদানি ।

লেকের জলের কিনারে আলো-আধারীর ঝাকে
চাপা হাসি ওঠে কাঁপা-কাঁপা কথা, তাঙ্গে লজ্জার বাঁধ,
গিস্ গিস্ করে লোকজন দূরে, ফিস্ ফিস্ ছোট কথা
কেও ফিরে যায় নিরাশায়, কারো পূরিল মনের সাধ ।

রঞ্জিত সেন কদাচ আসেন চালিয়ে ‘মাসে’ডিস্’
কেও বা আসেন সঙ্গে অথবা চড়িয়া বসেন কেহ,
কালোবরণের বায়ু-বিহারিণী নন্দিতা সরকার
ভাদ্রভী দেখেন উড়ি উড়ি পাখী,—চিতিয়ে নশ দেহ ।

কাবুলী মটর উঠিছে মোটরে, হাঁকিছে ‘গ্যাগনোলিয়া’
গরম মুড়ী কি টাট্কা ছড়ুম, মজাদার চানাচুর,
ভাদ্রে আতার দোকানে আছরে মেয়েদের দরাদরি,
লেকের ওপারে মিষ্টি কথার দানা বারে ঝুর ঝুর ।

সহরের আলো ফেলিয়া পিছনে আমরা আধারে চলি,
ভিড় ঠেলে বসি গাছের তলায় এক্লাটি নিঞ্জনে,
চেনা মানুষেরে এড়াইয়া হেথা নিজেরে গোপন করি
চুপি চুপি চলি যদি দেখা হয়—যারে চাই তারই সনে ।

উন্নত পারে জোর রোশনাই, দক্ষিণে আলো কম,
বেঁকের মাথায় ট্যাঙ্গি থামায় পাঞ্জাবী ভাইভার,
ঠুঁ ঠুঁ ঠুঁ রিক্স চলিছে, জেনানা পর্দা ঢাকা,
হেথা পথে পথে লুকাইয়া আছে বিষাক্ত ভাইপার ।

-•*-

পাসিং শো

কোথায় গেছে সে কিছু জান না ? মোটরে অথবা হেঁটেই গেল,
সুধা মিস্তির এসেছিল আজ ? জানিনা কিসের খেয়ালে পেল !
মহুজ সেনেরে তুমি চেন হাসি—? প্রজাপতি গোফ, লম্বা সিঁথি,
চিলে-আস্তীন পাঞ্জাবী পরে, সিগারেট নয়, সিগারে প্রীতি ;
সর্বদা পায়ে শিং তোলা চটি, নিজেই মোটর ড্রাইভ করে,
ঠিক জান তুমি সে আজ আসেনি ?—নিয়ে ত যায়নি সতুকে ধরে' ?
সে বড় ফ্যাসাদ, সঙ্গী পেলেই গ্র্যান্ড-ট্র্যাঙ্ক রোডে জমাবে পাড়ি
ড্রাইভের নেশা তাকে পেয়ে বসে, কে জানে কবে সে ফিরিবে বাড়ী ;
বাস্কবী লতা যদি সাথে যান তাহলে ত আর নাইক কথা
সবে-পাশ-করা গ্র্যাজুয়েট মেয়ে অতি আধুনিকা কনকলতা ;
বাপ জগনে, মা থাকেন রাঁচি, মেয়ে থাকে তার দিদির কাছে,
ভগ্নিপতিতি শেয়ার-ত্রোকার ক্লাব-কর্ণারে মেতেই আছে ।
বিলাত-ফেরত নাহলেও তাঁর সাহেবীয়ানার দেশাক বড়
স্ত্রী-স্বাধীনতা ও সহ-শিক্ষার বজ্জ্বতা দিতে ভীষণ দড় ।
শ্বালিকা কেরেন বন্ধুমহলে, স্ত্রী যদি বা তাঁর নিম্না করে
শেয়ার-ত্রোকার ব্রিফ্‌ নিয়ে তার ডিফেন্স করেন—লতার করে ।

যাকগে ও-সব পরের কথায় জানাজানি হলে পরই হাসে,
 তোমার দাদার জগ্নেই ভাবি,—এ সবে আমার কি যায় আসে ?
 তুমি ত সে সব বুঝবে না ভাই, নিজেই আমি যে দিইছি ধরা,
 মনের মানুষ মনে হয়েছিল—তাই ত হলাম স্বয়ন্ত্র।
 না না হাসিরাশি—কিছু না ওসব, তাকে তুমি যেন বলো না কিছু
 এই ত নিয়ম—কায়া চলে যায়, ছায়া ঘূরে মরে তাহারি পিছু।

আজকে তাহলে আসি হাসিরাশি, নামটি তোমার বদ্জে নিও
 একালে ও নাম চল্বে না ভাই,—এই চিঠিখানা দাদাকে দিও !
 ব'লো—এটা তাঁর ভারি অন্ত্যায় কথা দিয়ে নিজে বাইরে যাওয়া,
 এখনি আমায় যেতে হবে ভাই,—হয়নি এখনো নাওয়া কি খাওয়া।
 'বসে' 'বসে' বেলা বারটা বাজ্ল—আর 'বসে' থাকা চলে না হাসি,
 তা' ছাড়া বিকেলে বিধবা বোন্টি দেওরের সাথে যাবেন কাশী ;—
 কে জানে কেন যে ধর্মের মতি হ'ল তাঁর দশ বছর পরে,
 কি আর বয়স ? বড় জোর ত্রিশ,—আমার কিন্তু ঘেন্না করে—
 প্যাচপেচে পথ, এঁদো গলি ঘুঁজি, পাথরের বাড়ী পাখীর খাঁচা,
 কাচা কাপড়ের ইজ্জত রেখে এ যেন ধর্ম-রাখার ধাঁচা ;
 আর চলে 'নাক' একটা যে বাজে—অভিমান ভেঙে এলাম চলে,
 একটা বছর দূরে দূরে থেকে ভেসেছি কেবল চোখের জলে।

নীচের ঘরের বিছানাটা কা'র ? কেন ? কেন ? হোথা থাকেন বল ?
 উপরতলায় অগুণ্ঠি ঘর, একতলা নেক নজরে প'ল ?
 পড়ার টেবিল অগোছাল কেন ? তুমিও তো বোন গোছাতে জান
 ময়লা কাপড়ে আল্না বোঝাই, আন জামা গুলো এদিকে আন।
 বেহোরারে ডেকে পাঠিয়ে দাওনা কাছে পিঠে কোথা লঙ্ঘি আছে,
 জুতোগুলো সব বুকশ হয় না ? ওগুলো কি পড়ে' খাটো কাছে ?
 আমারি হাতের লেখা চিঠিগুলো, এলোমেলো হেথা ছড়ান পড়ে'
 দেখি দেখি—এ কৈ অনেক কালের ! কুলে বাঁধা তরী ডুবেছে ঝড়ে !

না, না, চিঠিগুলো ওখানে রেখোনা—লক্ষ্মীটি, রাখ বন্ধ কোরে,
কোন্টা তোমার দাদার দেরাজ ? পড়া শুনা হয় পাশের ঘরে ?
পড়া শুনা নাই ? সেকি কথা বোন, তিনি মাস পরে দেবেন এম-এ
লক্ষ্মীটি বোন সত্যি বল্ না—চল্ যাই মোরা নীচেয় নেমে।
ড্রয়িংরুমতে থানিকটা বসে' দেখি তিনি যদি আসেন ফিরে
কুল ভেসে গেছে যে মহানদীর মিছে বসে' থাকা সে নদী-তীরে।

শোন হাসিরাশি আজ তবে আসি, বেলা পড়ে এল চারটে বাজে,
কোকের মাথায় ছুটে এসে ভাই, ঘরে ফিরে যেতে মরি যে লাজে।
আমার জন্য কিছু নয় বোন—ভাবনা তোমার দাদাকে নিয়ে,
হঁয়া হঁয়া ভালো কথা, বলে দিও তারে—এই ফাস্তনে আমার বিয়ে

:*:-

୧୯ ଘରେ ଥାକ

ତୋମାର ନାମ କି ସୁମିତ୍ରା ସେନ ? ଏୟଭିନ୍ନିଉ ଲେନେ ଥାକ ?
ଆମି ନେଞ୍ଚାଟ ଡୋର ନେବାର ତୋମାର ସେ ଖବର ଜାନନାକ ?
ଲଙ୍ଜା କି ତାତେ ? ଏମନି ତ ହୟ ସହର କଲକାତାଯ
ଜାନା ମୁକ୍କିଲ ପାଶାପାଣି ଝ୍ଯାଟେ କେ କଥନ ଆସେ ଯାଯ ।
ତାତେ କି ହେଁଛେ ? ତୋମାଯ କିନ୍ତୁ ଜାନି ବହୁଦିନ ଥେକେ
କତବାର ଆମି ଦେଖେଛି ଏକେଲା ବସିଯା ଥାକିତେ ଲେକେ ।
ସତି ଆମାର ବିଶ୍ୱଯ ଲାଗେ ତୋମାର ମତନ ମେଘେ
ବିଷଳ ମୁଖେ ବସିଯା ଥାକିବେ ଆକାଶେର ପାନେ ଚେଯେ !
ଠିକ ଆକାଶେର ପାନେ ନା ହଲେଓ,—ଦେଖିତେ ବିଶ୍ରୀ ଲାଗେ
କେ ଜାନେ ଆମ୍ବାର କେଳ ବିଶ୍ୱଯ, କେନଇ ବା ବ୍ୟଥା ଜାଗେ ?

তোমার দাদার সঙ্গে পড়েছি—সে এখন রেঙ্গুনে ?
প্র্যাকৃটিস্ করে ? ভালই করেছে,—দিন কাল দেখেগুনে
মনে হয় পোড়া বাঙলা দেশের আবহাওয়ার থেকে দূরে
যদি থাকা যায়—সেই ভাল ; দেখ, সেই যে গোপালপুরে
তোমার মাসিমা মিস্ মিত্রির ছিলেন অনেকদিন,
হাটের ব্যারাম সেরেছে কি তাঁর ? দেশের যে চুর্দিন
তাঁর মত মেয়ে লাখে এক মেলে, তুমি গড়া তাঁরি হাতে,
—ঘরের ভিতর বেজায় গরম, চল যাই খোলা ছাতে ।

টি পার্টিতে আমি হামেসা আসি না, বড় ষ্টেল্ মনে হয়
অতি নতুন বিনয়-ভাষণ সে আমার ধাতে নয় ।
নমস্কারের রেগুলার রেস্—হঠাতে দম্কা হাসি,
কেতা-দোরস্ত ভব্যতা যেন গলায় লাগায় ফাসি ।
সুমি, আজ তুমি চুপ করে কেন ? কোথা সে উচ্ছলতা ?
কোথা গেল আজ কুমারী নারীর মধুর প্রগল্ভতা ?

তোমারে দেখিলে মনে হয় তুমি রয়েছ অন্যমনা,
মুখ তার করে পার্টিতে আসিলে তাবে কি অন্য জনা ?
তোমার বঙ্গ ডলি দন্তের মাসতুতো বোন লিলি
বেনামীতে তিনি লেখেন পত্ত, কথা কন নিরিবিলি,
কাস্তিলালের তিনিই ফিঁয়াসি গর্ব যে তাই নিয়ে
ক্রিস্মাসে নাকি হনিমুন হ'বে মন্দারহিলে গিয়ে ।
কেমনে হল এ মনের মিলন ?—একজন ডেন্টিষ্ট
মেয়ে একজন কবি প্র্যাজুয়েট বেজায় সোসিয়ালিষ্ট ।
ক্যাপিটালিষ্ট যে কাস্তির বাবা, সাতটা চিনির কল
সেথায় কেমনে খাপ খাবে বল লিলির প্রিলিশ্ল ?

যাকুগে সেকথা তুমি কি ভেবেছ বাপ-মা নাইক বলে’
কুমারী জীবন কাটাইয়া দিবে কলেজে পড়ার ছলে ?
রেঙ্গুনে যদি কালই চিঠি লিখি, আপত্তি কিছু আছে—?
দেখ ছাদময় নানান রঙের তারবেনা ফুটিয়াছে !

দেখেছ কেমন অটেল জোৎস্বা হাসিছে পূর্ণ শঙ্গী
সঙ্গী পাইলে মহৱা পড়িয়া রাত্রি কাটাই বসি’ ;
একেবারে তুমি চুপ করে গেলে ? বিরক্ত হলে নাকি ?
আজ তবে আসি !—মনে রেখো আমি ১২ নম্বরে থাকি

লেডিজ সিট

বসুন বসুন, উঠলেন কেন ? ওতে কিবা যায় আসে
ছোয়াছুঁয়ি হলে' মেয়ে মহলের খোয়া যায় না'ক জাত,
লেডি বলে' নেয় অ্যাড্ভ্যানচেজ ট্রাম্এ বাস্এ যারা আজ
কোনু লজ্জায় চায় তারা শুনি, ষ্ট্যাটাস্ সমানতর ?

আঢ়ীয় হলে' হ'তেও পারেন, বসু হলে' কি দোষ ?
চলুন ছ'জনে ইডেনগার্ডেনে অথবা ষ্ট্র্যাণ্ডে যাই,
ট্রাম থেকে নেমে হেঁটে যাওয়া যাবে, ট্যাক্সি ক'রে কি লাভ ?
সেই পয়সাতে ফেরবার পথে 'নিউগ্রীল'এ যাওয়া যাবে ।

আসুন এখানে নেমে পড়া যাক, স্মিল্যানেডে বড় ভৌড়
মহুমেঘের ধার দিয়ে সোজা পশ্চিম মুখে যাব,
গল্লে-স্বল্লে এইচুকু পথ উৎসাহে যাবে কেটে
সঙ্ক্ষ্যাবেলাটা গঙ্গার হাওয়া বেজায় মিষ্টি লাগে ।

অভ্যর্থ কবিতা

৩৩

আপনি কিন্তু বেজায় লাজুক, আলগোছে যান् হেঁটে
ছোট-ছুটি কি একটি কথায় ধরাছোয়া মুক্ষিল,
আমারি বরং অল্প কথায় এড়িয়ে চলায় লাভ
পুরুষের কাছে সেটা নাকি হয় স্পেশাল্ এ্যট্রাক্ষান्।

তয়-তয় করে ? কেন কিসে তয় ? রাস্তার লোকজন
গেরেণ্টারের পরোয়ানা নিয়ে ঘূরচে কি মনে হয় ?
পুরুষ মানুষ মিন্মিনে হলে' মেয়েরা বেহায়া হবে
একথা বলেছে গলাবাজি করে' মনু থেকে স্পেন্সার।

কি না বল্লেন ! মিষ্টার দাস ? নামটি কি তাই শুনি,
তয় নেই, আমি উকিলের চিঠি কখনই দেবনাক',
চলতি পথের আলাপে যদিবা বন্ধুতা জমে যায়
তার মর্যাদা রাখার মতন শিক্ষা আমার আছে।

আমার ঘড়িতে আট্টা বাজ্ল, আপনারটাতে কত ?
ওটা কি আপনি ঘণ্টাখানেক ফাষ্ট' করে' রেখে দেন ?
চলুন,—এবার ফিরে যাওয়া যাক, গুড়বয় হ'তে হ'লে
বেশী রাত করে' গড়ের মাঠের হাওয়া খাওয়া ভালো নয়

এই যে এখানে এয়াররেডের শিট্ ট্রেঞ্চ দেখে নিন,
ভৌতু মানুষের আগে ভাগে এর সন্ধান রাখা ভালো,
বস্টার্ডমেন্ট হলেই অমনি ছ'হাতে সবারে ঠেলে
ইচুরের মত গুড়ে শুড়ে করে' গর্ভে যাবেন চুকে !

ধৰন যদি বা একুণি এসে শক্র এরোপ্লেন
ধমাধম করে' বোমা ফেলে ঠিক আমাদেরি কাছাকাছি,
আপনি বোধহয় নাৰ্ভাস হয়ে একলাটি ফেলে মোৱে
মাথা বাঁচাবেন বীৱেৰ মতন সৱকাৰী শেল্টাৱে !

আমাৰ ঠিকানা ? জেনে লাভ নেই, বৃথা এ কৌতুহল,
ইচ্ছা থাকলে দেখাণ্ডনা হওয়া এমন কি স্বুকঠিন ?
এমনি সময় অবসৱ থাকে ও এদিকে সেদিকে ঘূৱি,
তিনটেৰ শো'তে মেট্ৰোতে যাব সাম্নেৰ শনিবাৱে ।

-ঃ*ঃ

‘প্যারাডাইস লষ্ট’

সন্ধ্যার ছায়া ঘনায়ে এসেছে মাঠের ‘পরে
মেঠো রাস্তায় চলনা হ’জনে বেরিয়ে পড়ি’,
গাড়ীখানা থাক এইখানে, চল—কিসের ভয় ?
সহরে মেয়ের যত ভিরকুটি ড্রয়িংরুমে ।

তখন বল্লে,—ষ্ট্র্যাণ্ডে নয়ক, ড্রাইভে চল
দূরে বহুদূরে যেতে যেতে বেশ সন্ধ্যা হবে,
চুপচাপ বসে রব ছটি মোরা একলা প্রাণী--
খুব কাছাকাছি নিরালায় হবে মনের কথা ।

ম্যাটিনির শো—ন’টায় ভাঙ্গে মিথ্যে ছুতো,
দেরী হ’লে আছে সাইকলজির একটা ক্লাশ ;
জীবন-ধর্ম থাক ধামাচাপা, যৌবনেরে
অভিষেক করে’ আজিকে বসাই সিংহাসনে ।

অঙ্গ কবিতা

সারাটি রাস্তা চুপ করে' এলে, একই কথা,
মাতালের মত বারবার আমি এলাম বলে',
কোন্ মদে আমি না-খেয়ে মাতাল সেকথা জান,
নির্বেধ নহি, ক্ষমা করো মোর অবাধ্যতা ।

লেখাপড়া শিখে এ্যাডভেঞ্চারে সরেনা মন,
বয়স থাকিতে সঞ্চয় কর অভিজ্ঞতা,
তেষ্টায় যদি ফুটিফাটা হ'ল বুকের ছাতি
বারণা ফেলিয়া কেবা ছুটে যায় বালুবেলায় ?

অমাবস্যার আঁধারে আমরা লুকিয়ে আছি—
সারা সহরের দৃষ্টি এড়িয়ে এলাম হেথা,
কাছে আসিবার এমন সুযোগ হবে না আর,
নরম ঘাসের গালিচা বিছান,—কষ্ট হবে ?

এইখানে বসো,—এমন নিরালা সন্ধ্যাবেলা
ক্লান্ত দেহের ভার সহেনাক' এমন ক্ষণে,
কাছে সরে এস, হাত ছুটি দাও আমার হাতে,
শোন বলি, সেই চির-পূরাতন নোতুন কথা ।

অ্যাডাম ইভের কাহিনী পড়েছ,—‘মরাল’ জান ?
প্যারাডাইসের নিষিদ্ধ ফল মিষ্টি কত ?
জল এগোয় না, তেষ্টা এগোয়,—সত্যি কথা,
অজানা স্বর্গ হারিয়ে পেলাম স্বর্গ হাতে ।

‘প্যারাডাইস্ রিপেন্ডু’

এস এনাক্ষি, বস বস বস, এতদিন কোথা ছিলে ?
কতদিন পরে আজকে আবার তোমায় আমায় দেখা।
দিল্লীতে ছিলে ? কেন ? কি কস্বুর হ'ল এ কলকাতার
নেহাঁৎ পুরানো সহরটা বটে ; নয়া দিল্লীর পথে
হয়ত মিলিবে মনের মাঝুষ, তাই বুঝি অভিযান !
হালকা হাওয়ায় পাল তুলে দিয়ে বাহিয়া এলে যে তরী—
কোন্ কূলে বল ভিড়েছিল তরী কোন্ সে নবীন নেয়ে
সোনার ফসলে ভরে’ দিল তব সোনার আঁচলখানি ?

রেগো না সত্যি, অভিযানই বটে, নহে সে ত অভিসার
অভিসারী মন একই পথে চলে, শ্রাবণে ও ফাঞ্জনে,
নিরন্দেশের নিশানা নাইক, তাই সেটা অভিযান
সে কথা শুনেছি তোমারি বঙ্গু মণিকা দাসের কাছে।
তুমি গিয়েছিলে নৃতন করিতে জোড়া-তালি-দেওয়া মন
মনের খোরাক সংগ্রহ করে’ ফিরিয়া আসিলে বুঝি
অথবা যাহার সকানে গেলে সে তখন দেরাছনে
মিষ্টি কথার জাল বুনে বুনে ধরিছে মহুয়া পাখী।

মিস্ মুখার্জি প্রিয় বান্ধবী তিনি বুঝি এলাবাদে ?
— হ'ল তাই হ'ল—কতই বা দূর দিল্লী সহর থেকে,
তারই ত শিশ্যা এনা ব্যানার্জি, সেই ত মন্ত্রগুরু
কানে কানে দিল ফুঁক মন্ত্র—বিবাহ ছৰ্বলতা ;
কুমারী-জীবনে উঁচু আদর্শ সহজ পালন করা
ছেলেপুলে হ'লে ভেস্টে যায় যে তাশের বিস্তি খেলা ।
দেহ ও মনের স্বাধীনতা যাবে ‘ভ্যারাইটি’ যাবে কমে’
মন ভেঙে যাবে অসহা হবে জীবনের ‘মনোটনি’ ।
তার চেয়ে ভাল ডানা মেলে শ্রেফ আকাশে সঞ্চরণ
ছোট্ট পৃথিবী পড়ে’ থাক পিছে, বৃহৎ পৃথিবী চাই ।

ওকি এনা, তুমি মুখ নামালে যে ? চুপ করে’ বসে আছ,
আমার কথায় লজ্জা পেলে কি ? রাগলে কি মনে মনে,
এস এই দিকে এগিয়ে এস না, চেয়ারটা টেনে নাও ;
বোকা চাকরটা ঘুমুচ্ছে বুঝি সাড়া ও শব্দ নাই ।
তোমায় একটু চা খেতে হবে যে, ছোভটা জ্বালিয়ে দিই
একটু বসো ত, কল থেকে আনি ছোট ‘কেট্লিটা’ ভরে’
না না, তুমি বসো, আজকে যে তুমি অতিথি সম্মানীয়া
মন যারে চায় তার তরে মোর ছিলনাক’ প্রত্যাশা ।

দেখতো শেল্ফে বিস্কুট ছিল, আছে কি হ’একখানা ?
মাখনটা বুঝি ফুরিয়ে গিয়েছে, হাঁদা চাকরটা নিয়ে
এই জীবনের ‘স্থাংটিটি’ সব ক্রমে ক্রমে গেল উবে,
‘ব্যাচিলার’ বলে’ ঘরে ও বাহিরে সবাই করিছে হেলা ;
এবার ভাবছি মাসিমার কাছে থাকিব হ’ এক মাস
এই জীবনের হেস্তনেস্ত হয়ে যাবে গিরিডিতে ।
কিন্তু তুমি ত জান এমাঙ্কি, এ জীবন মন্তব্যে
ধূধূ করে বালি, প্রথর রৌজু, তৃষ্ণার জল নাই !

ছি ছি এনা তুমি এত বোকা মেয়ে, ঠাট্টাও বোবনাক' ?
 কেন মিছিমিছি আমার কথায় চোখে এল লোনা জল,
 তোমার কান্না সহিতে পারিনা, ক্ষমা করো মোরে এনা
 জল ফুটে ফুটে উথলে পড়ছে, চা ক'টা ভিজিয়ে দাও ?
 এস না হ'জনে মুখোমুখী হয়ে চায়ের টেবিলে বসি
 পুরানো দিনের শৃঙ্খিতে জমুক আজিকে সন্ধ্যাবেলা,
 নৃতন করিয়া গড়ি আনন্দে আমাদের পৃথিবীরে
 কালো পর্দায় ঢাকা থাক সব মলিন দিনের শৃঙ্খি ।

দেখ এনাক্ষি, এলে যদি তুমি, যে ভাবেই তুমি এস,
 এতদিন পরে এসেছ, সত্য ভালই লেগেছে মোর,
 পুরানো কথায় মন ভিজে ওঠে হারান মানুষ দেখে
 কত দিনকার কত ভোলা কথা ভিড় করিতেছে মনে ।
 তাই ব্যথা পাই আন্ত তোমার ও মলিন মুখ দেখে
 একবার সেই মধু হাসি হাস, চাও মুখ তুলে চাও,
 আমার হারানো পৃথিবীতে ফের পড়ুক চাঁদের আলো
 ভরা জ্যোৎস্নায় ভাসিয়া বেড়াক খুসীর বিহুলতা ।

-ঁ#ঁ-

কন্দুফেশন

অমৃত বলিয়া আমি পান-পাত্ৰ ভৱিয়া আহস্তাদে
আকণ্ঠ কৱিত্ব পান—তৃষ্ণা তবু মিটিল না মোৱ,
জিহ্বা তালু শুক্ষ হ'ল কৃটু তিক্ত বিষম আস্থাদে
চিন্ত জাগিবারে চায়, কাটেনাক' সে নেশার ঘোৱ।

নেশায় রঙীন চোখ,— মনটাও হয়েছে রঙীন,
বেতৰ হয়েছে দিল,—বিজড়িত কঢ়ে ভাঙা কথা,
ফেনায়িত পেয়ালারে মনে হয় অতল গহীন,
বেদনা ভুলিতে গিয়ে জেগে ওঠে যুগান্তের ব্যথা !

‘মাইফেল’ বসিয়াছে—এলোমেলো গানের রেওয়াজ,
পানোম্বত্ত নৱ-নারী হেসে হেসে নাচিছে বেতালে,
গেলাসের ঠুন্ঠুনি,—ফিস্কাস্ কথার আওয়াজ,
টলিতে টলিতে এসে চুমা দেয় আৱক্তিম গালে।

নিমেষে মুছিযা যায় অর্কনিমিলিত চক্ষে মোর
বিপর্যস্ত ধরণীর কদর্য কুটিল কালো ছায়া,
উচ্ছিষ্ট সুরার ক্লেদে অবলুপ্ত আমি নেশাখোর
আমার স্মরণ-পথে জাগে শুধু রজনীর মায়া ।

সে মায়া নির্ম অতি—রমণীয় করে রমণীরে,
উচ্ছল সুরার পাত্রে জাগে লক্ষ শত কোটি কায়া,
চুটুল চাহনি দিয়ে ইসারায় ডাকে মোরে ঘিরে
মত্ত আলিঙ্গনে দেখি' কখন মিলায়ে গেছে ছায়া ।

ছায়ার পশ্চাতে ঘুরি' আপনারে করিয়া বঞ্চনা
সুধাপাত্র মুখে দিই ক্ষুধার্ত আস্তার উপবাসে,
অপেয় অমৃতোপম আস্তাদে যে বাড়ায় লাঞ্ছনা,
হংস্যম এড়াতে চাই উন্মত্ত সন্তোগ-অবকাশে ।

সে স্বপ্ন রাক্ষসী সম বক্ষে চাপে মত্ততা কাটিলে
দিবালোকে হেরি তার লোল জিহ্বা উদ্ভৃত নখর,
নিজেরে ভুলিতে চাই পৃথিবীরে ভুলিতে চাহিলে
ফেনোচ্ছল পানপাত্রে ভোগমগ্ন বিশুক্ষ অধর ।

শুক্ষতা কাটেনা তার দণ্ডে দণ্ডে বাঁড়ে যে দহন
পান করি অমৃত কি হলাহল থাকে না সে জ্ঞান,
প্রহরের পর চলে প্রহরের নব প্রলোভন
তৃষ্ণা-ফল্ল জেগে থাকে, অন্তরের আস্তা হত্যান ।

আমার এ পানপাত্রে একাধারে অমৃত গরল
ফেনায়ে উঠিছে নিত্য, সুখে হংখে মন্ত্র বাতাস,
ছায়া ভাসে, কায়া ভাসে, শুভ্রি মোর তরঙ্গ-তরঙ্গ
এপারে নির্ম ধরা, পরপারে রঙীন আকাশ ।

————ঃ#ঃ————

মডার্ণ কবিতা

ବୋଧାଙ୍ଗ

ରଜନୀଗନ୍ଧୀ ଫୋଟେନି ବାଗାନେ ଫୁଟେଛେ କାମିନୀ ଝୁଇ
ହାସ୍ତୁହାନାର ଗନ୍ଧ ଏଥିନୋ ବାତାସେ କିଛୁଟା ଆଛେ,
ମ୍ୟାଗନୋଲିଯାର ନରମ କପୋଳେ ଆମାର କପୋଳ ଝୁଇ
ଆଲ୍ଗା ଚୁମାଯ ସୋହାଗ କରିତେ ହୃଦୟ ଆମାର ନାଚେ ।

ଇଶ୍ରକମଲେ ବସେଛେ ଭୂର, ଜାନି ସେ ଚପଳ ମତି
ଲାଲ ରଙ୍ଗନେର କେଯାରୀର 'ପରେ ଓଡ଼େ ଛୁଟି ମୌମାଛି,
ତୁମି ଯଦି ଆଜ ଡ୍ରାଇଟେ ବେରତେ କିବା ଛିଲ ତାହେ କ୍ଷତି
ଏଥାନେ ନାହିଁବା ଆସିଲେ, ଆମି କି ପଥ ଚେଯେ ବସେ ଆଛି ?

ସଜଳ ହାଓୟାଯ ମେଘେର ମାୟାଯ ସନ ହ'ଯେ ଓଠେ ଦିନ
କବୁ ବର୍ଷଣ ଅଜନ୍ମଧାରେ, କବୁ ସୂର୍ଯ୍ୟେର ଆଲୋ
ଚିକମିକ୍ କରେ ଚିକଣ ପାତାୟ ; ବାଜାଇ ମ୍ୟାଗୋଲିନ,
ମେଘ-ଭାଙ୍ଗ ରୋଦେ ବିକେଳ ବେଳାଟା ଲାଗେ ବେଶ ଜମକାଲୋ ।

ମାତ ରଙ୍ଗେ ରାଙ୍ଗୀ ସ୍ଵପନ ତୋମାର ଭାଙ୍ଗିବେ କଟିନ ଘାୟେ
ସୋନାର ପାଲକ ଖସିଯା ପଡ଼ିବେ ଝଡ଼େର ଝାପ୍ଟା ଲେଗେ,
ଉଡ଼ନ୍ତ ପାଖୀ ହାରାଇବେ ପଥ ସେଇ ଛରନ୍ତ ବାୟେ,
ବନ ଉପାନ୍ତେ ଆମି ବସେ ରବ ଦିବସ ରଜନୀ ଜେଗେ ।

ଅକାରଣେ ତୁମି ଏସେଛିଲେ କାହେ ? କିଛୁକି ଛିଲନା ଆଶା ?
ଚଲିତେ ଚଲିତେ ହୟନି କି ମନେ ରଯେଛେ ପଥେର ଦାବୀ ?
କିଛୁ କି ପାଓନି ? ଦାଓ ନାହିଁ କିଛୁ ? ତୋମାଦେର ଭାଲବାସା
ଥାରମୋମିଟାରେ ଓଠାନାମା କରେ କେମନେ ତାଇତ ଭାବି !

ଅଜନ୍ମଭାରେ ଦିଯେଛୋ ଆମାଯ, ଆମି ମରିଯାଛି ଲାଜେ,
ସବ ଦିଯେ ଆମି ଭେବେଛି, ହୟତ କିଛୁଇ ହଲ'ନା ଦେଓଯା,
ଆଜ ଦେଖି ଚାଦ ଡୁବୁଡୁବୁ କରେ ହାଲକା ମେଘେର ମାରେ
ଏଇନ୍ତି ନାମ ପ୍ରେମ ? ହାୟରେ କପାଳ ! ଏହି ମନ ଦେଓଯା ନେଓଯା ?

—::—

হাজার মার্চ

অনাদিকালের হুর্ভা নারী,
সমর-অভিযানের পরম লক্ষ্য নারী,
বিগ্রহ বিপ্লবের গ্রহ-কেন্দ্রী নারী,
আজ তুমি সুলভা, বহু-বলভা ।
আজ তোমার জন্ম আমাদের কোনো অভিযান নাই
গোপন সন্ধানও নাই,
নিভৃত নৌড়-ছাড়া স্বেচ্ছা-সংগঠনী নারী
আজ তুমি নিজে এসে নিজের সন্ধান দাও
প্রকাশ্য রাজপথে,
লাইট-পোষ্টের তলে তলে,
ট্রাম ও বাস ষ্ট্যাণ্ডের
স্বল্প-পরিসর ওয়েটিং শেডে,
অথবা উন্নীর্ণ সঞ্চ্যার অঙ্ককারে
পাকে পাকে, বা পাকের আনাচে কানাচে,
স্বল্পালোকিত ফুটপাথের নৌচেয় নৌচেয় ।

অঙ্গ কবিতা

চাকা আজ ঘুরে গেছে—
 তাই নারীর নির্লজ্জ অভিযান চলছে নরের উদ্দেশে ;
 গোপন অথচ সুস্পষ্ট তার পদক্ষেপের ইঙ্গিত
 কখনো মৃছ, কখনো ক্রত-চৎকল
 কখনো সচকিত, কখনো বা স্থির-সম্বন্ধ—
 এ কি হাঙ্গার মার্জ ?
 ক্ষুদিতের অভিযান ?
 এ কি শূন্য উদরের ক্ষুধার তাড়না
 না, শুক কঢ়ের তৃষ্ণার কাতরতা ?
 না, এ জৈব বাসনার বিবসনা মুক্তি
 বহুকালের কঠিন নির্মোক ভেঙ্গে
 বেরিয়ে পড়েছে তার সহজাত প্রেরণায় ?
 লালসার জারক রসে জারিত
 প্যারাডাইসের নিষিক ফলট হ'ল আজ
 নর-নারীর কাম্য।

বরনারী আর বারনারী,
 সে-পাড়া আর এ-পাড়া,
 নমিতা সেন আর বেদানাবালা ;
 মাজাঘষা প্রোফাইলে,
 শাড়ী, ব্লাউজ আর কান-বালায়
 ক্লজ পার্টডার ও উগ্র এসেন্সে
 হাই-হিল জুতো আর বেঁটে ছাতায়
 আনিকেতনের লেডিজ্ ব্যাগ এবং
 ‘আস্লী সোনেকা’ মটর মালায়
 অথবা প্রজাপতি নেকলেসে
 একাকার—নৈরাকার।

একই ধৰ্জে গড়া আধুনিকা নারী—
 কৌলিণ্য যাচাই হয় তার কাষ্ঠল মূল্যে ;
 প্যাসান না থাক, ফ্যাসান-দোরস্ত
 উভয়েই লেডি—
 অর্থাৎ ল্যাডের কাছে সর্বথা সম্মানীয়া,
 অন্ততঃপক্ষে ট্রামে এবং মোটরবাসে,
 যেখানে,
 লেডিজ সিট ছেড়ে উঠে দাঢ়ান্ত হচ্ছে
 আধুনিক প্রথা,
 এবং সেইটেই হচ্ছে
 সাম্প্রতিক যুগের—আধিভৌতিক ভব্যতা ।

একদিকে :

কল্পোপজীবীনিরে গোপন পল্লীতে
 দ্বিধা-মন্ত্র আনা-গোনায় পড়েছে ভাঁটা,
 তাই দেখি
 পথে পথে দেহ-পসারিণীর অভিসার ;
 স্বভাব-কুষ্ঠিত ভজমন পেয়েছে
 বেপরোয়া কেয়ার-ফ্রি পরোয়ানা ।
 পথের আঁধার বাধা না হয়ে
 সাদা মনকেও করে সাধাসাধি,
 লজ্জাবরণ অঙ্ককারে ঢাকা পড়ে যায়
 মাঝুয়ের সত্যকার ভজ পরিচয়—
 হঠাৎ দেখাশুনায় ভয়ের চাইতে অভয়ই জাগে বেশী—
 মনে হয়—
 উই আর ইন্ডি কম্পানি,—
 ট্রেডমার্কা মারা বাজারের বেসাতি
 এমনি করে' হয়ে দাঢ়াল
 পথের নৈমিত্তিক ব্যবসা—ফুটপাথের হকারি ।

অন্তিমে :

গৃহের বনিতা আজ ভণিতা-সম্বল ।
রকমারী ভ্যানিটি ব্যাগে
নারীর বকমারি বা কুমারীদের রক্ষাকবচ
সাবধানে লুকিয়ে রেখে
গুজ, ষ্টেপ, ফেলে
কেহবা বেরিয়ে পড়লেন রাস্তায় ।
ষ্টেজ-ফ্রি চাল দেখে
বেসামাল মাঝুষ হ'ল নাজেহাল ।
স্বল্পবাসে পরিতৃষ্ণা ভদ্র নারী,
শ্রায-নশ তহু দেহে সদা-জ্ঞেষ্যা শিক্ষিতা নারী,
প্রগতি পথের পতাকা-বাহিনী আধুনিকা নারী,
তোমার চট্টুল নয়নের মদালস দৃষ্টি
তোমার স্বরিত পদের সর্পিল গতি
আমাদের মনে এনেছে ভ্রান্তি-বিলাস,
ভুলের ফসলে আমরা ও আজ মশগুল—
একদা ছিলে ‘মর্শের গেহিনী,’
‘জীবনের অধিষ্ঠাত্রী দেবী’
কল্যাণে শ্রেয়সী, মহিমায় মহীয়সী নারী
আজ হলে তুমি
যৌন-যোগ-সাধনায়
সকলের সহজিয়া প্রিয়া ।

তবু তুমি নারী,—তোমায় নমস্কার !
তুমি নরের আরাধ্যাতমা প্রেয়সী,
যুগ্মুগ্মস্ত ধরে’ তোমারি উদ্দেশে
তরঙ্গিত হয়ে উঠছে—
আমার নানা ছন্দের অভিনন্দন ।

তুমি প্রিয়তমা,
নিত্য তোমার কর্ষে ছলাই
আমার ঘৌবন-বনের সংফোটা ফুলের মালা

বিলাসিনী একান্তচারিণী নারী হলেও
তুমি নারী,
তাই অনাগত অদূর ভবিত্বাতের আশায়
দিন শুণব পরম বিশ্বাসে,
“তোমার আনন্দময়ী মৃত্তি” দেখব বলে,
‘তোমার নয়নে দিব্য বিভা’য়।
তোমার ‘অমৃত-সরস-পরশে’
নবজীবন ভরে’ ফুটে উঠবে,
‘শিশির-ধৈত পরম প্রভাত’;
যুগল বাহুতে ফুটে উঠবে আনন্দ
‘আনন্দ ছুটবে তোমার চরণপাতে,
হৃদয়ে জেগে উঠবে আবার নব নব রূপে
নারীর নবতন মহিমা,—
‘দেবতার কোন নৃতন প্রকাশ’ হবে বলে’
ছন্দে ছন্দে, পরমানন্দে
বাজিয়ে ঘাব তার চিরপ্রত্যাশিত
আগমনী।

